



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თავკვერის არქეოლოგიური ძეგლები

თავკვერის არქეოლოგიური ძეგლები, ადრინდ. შუა საუკუნეების ძეგლი. მდებარეობს გლდანის მასივის III და IV მიკრორაიონებს შორის. გათხრილია 1975-76 გლდანის არქეოლ. ექსპედიციის მიერ (ხელმძღვ. ვ. ართილაყვა). გამოვლინდა 3 ბაზილიკური ეკლესიისა და რამდენიმე სხვა ნაგებობის ნაშთი, ორი – ქვაყუთის ტიპის სამარხი.

ეკლესიების კედლები ნაგებია კლდის ფლეთილი ქვით თიხის ხსნარზე და გადახურულია კრამიტით. ერთ-ერთი ეკლესიის ნანგრევებში აღმოჩნდა ხოსრო II-ის (VI-VII სს.) ვერცხლის მონეტა. ნამოსახლარზე აღმოჩენილ ნაგებობათა კედლები ნაგებია რიყისა და კლდის ფლეთილი ქვებით. ზოგი მათგანის იატაკი მოპირკეთებული იყო ბრტყელი ფილაქნით. ნაგებობებში აღმოჩნდა მარანი, ქვევრები, პირგაშლილი დოქები, ბადიებისა და საღვინე ჭურჭლის ფრაგმენტები, რკინის სახვრეტი და წიდეები. ერთ-ერთი ეკლესიის მინაშენის ძირში გათხრილია 2 სამარხი. ორივე ნაგები იყო ფიქალი ქვით. მიცვალებულები ორივეში დაკრძალული იყვნენ ქრისტ. წესით. სამარხები უინვენტარო იყო.

აღმოჩენილი არქეოლ. მასალა პარალელურს პოულობს ურბნისის, ლოჭინისა და რუსთავის სინქრონულ მასალასთან და ადრინდ. შუა საუკუნეებით თარიღდება (V-VIII სს.).

ლიტ.: А р т и л ა კ ვ ა В., О работе Глданской археологической экспедиции, კრ.: Полевые археологические исследования в 1976 году, Тб., 1979.
